

Sarajevo, 13.03.2025.godine

Klub SDP-a u Skupštini Kantona Sarajevo
Zastupnik Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Ministarstvo za nauku, visoko obrazovanje i mlade KS

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKU INICIJATIVU

Prema **Ministarstvu za nauku, visoko obrazovanje i mlade KS**

Za sufinansiranje licenciranja Univerziteta u Sarajevu za rad neophodnim proizvodima kompanije Microsoft kroz zaključivanje „The Enrollment for Education Solutions (EES)“ ugovora između Univerziteta u Sarajevu i kompanije Microsoft .

OBRAZLOŽENJE

U prethodnim godinama predstavnici Vlade KS , Univerziteta u Sarajevu su obavili niz radnih sastanaka sa lokalnim i regionalnim predstavnicima kompanije Microsoft sa ciljem institucionalnog rješavanjem licenciranja i nesmetanog korištenja proizvoda kompanije Microsoft kako bi se sistemski riješilo korištenje istih od strane cjelokupnog Univerziteta u Sarajevu, koji bi pored računara koje koriste nastavnici i saradnici obuhvatio i računare koje koristi nenastavno osoblje, računare u laboratorijama/salama fakulteta, akademija i instituta te serverska rješenja i Microsoft alate koje bi koristili u nastavi, kao i pitanje licenciranja i Microsoft servisa za studente Univerziteta. Do sada su članice Univerziteta zasebno rješavale ovo pitanje na različite načine, pa je po meni pitanje sistemskog pristupu rješavanju ovog problema po meni jako bitno i zbog unificiranja licenci i mogućnosti njihovog korištenja na cijelom Univerzitetu u Sarajevu, tako i zbog potencijalnih ušteda u ugovaranju jedinstvenog paketa za cijeli Univerzitet u odnosu na sklapanje pojedinačnih ugovora svake članice zasebno.

Na tim sastancima i razgovorima ponuđena je opcija potpisivanja općeg sporazuma Univerziteta u Sarajevu sa Microsoftom i to po principu „The Enrollment for Education Solutions (EES)“ ugovora. EES je jednostavan i dugoročno isplativ oblik licenciranja koji akademskim institucijama osigurava dostupnost svim proizvodima obrazovne platforme sa ugovorenim godišnjim brojem korisnika kao i pristup punom paketu Microsoft proizvoda i usluga i to jednako za profesore, saradnike, nenastavno osoblje i studente.

Jedna od najvećih prednosti ovog EES ugovora licenciranja na razini Univerziteta je da omogućava besplatne licence za do 40 studenata po jednom licenciranom nastavniku tj. ukoliko se potpiše ugovor na razini Univerziteta za nastavno i nenastavno osoblje tada će i svi studenti Univerziteta u Sarajevu dobiti istovjetan paket usluga besplatno.

Suštinski kao najznačajniji aspekti EES ugovora Microsoft 365 paket omogućava da preko 26000 korisnika (osoblje Univerziteta i studenti) na raspolaganju imaju puni Office 365 paket, MS Windows licence (što je za većinu računara na Univerzitetu važno pitanje), email sa 100 GB mailboxom kao i mnoge druge prateće servise vezane za EES ugovor koji su potrebni u svakodnevnom radu Univerziteta u Sarajevu.

Zbog toga šaljem zastupničku inicijativu da Ministarstvo za nauku, visoko obrazovanje i mlade ozbiljno sa predstavnicima Univerzitete razmotri mogućnosti finansiranja ovakvog tipa EES ugovora koji bi na godišnjem nivou za cijeli Univerzitet u Sarajevu i oko 26000 korisnika iznosio oko 180.000 USD što je oko 1,10 KM mjesečno po korisniku. S obzrom da već Univerzitet po pojedinim članicima pojedinačno ima značajne troškove po po ovom pitanju smatram da bi se na ovoj način sistemskog rješavanja licenciranja mogle postići i određene uštede ili u najgorem scenariju za isti novac dobiti značajno širi opseg usluga i servisa koji će biti na raspolaganju kroz ovakav EES ugovor, a i besplatne licence za sve naše studente za njihovo svakodnevno učenje i rad.

Sve detaljnije informacije o potrebi za potpisivanje ovakvog tipa ugovora već posjeduju kolege iz Univerziteta u Sarajevu i sigurno vas mogu detaljnije informirati o ovakvoj potrebi rješavanja problema ugovora za licenciranje ovih specifičnih proizvoda i usluga.

S poštovanjem,

**Davor Čičić
Zastupnik SDP BiH
u Skupštini Kantona Sarajevo**